

Cracoviensis studiorum Univ. Jagell.

Promotiones Philos. Ordinis.

1716 die 4 mens. Aprilis.



Prosa 3082.

Włoszkiewicz Jan. Michaëlis: Bellona pacator,  
Pallas Jagellonica probator in arena litera-  
ria athletas V.D.D. VII. primae laureae Can-  
didatos laureis philosophicis coronans.



H

P

V

A

PI

F



BELLONA

PACATIOR,

PALLASIAGELLONICA.

Probatos in Arena Literaria Athletas,  
VV.DD.VII.PRIMÆ LAURÆ CANDIDATOS,

Laureis Philosophicis

CORONANS,

Et ad majores ausus,

Insignium bellicorum muneribus

EXCITANS.

Ac, Dum lidem in Alma Universitate Cracoviensi,

*Per Clarissimum & Admodum Reverendum Dominum,*

D. M. GREGORIVM

KNAPINSKI,

Philosophiæ Doctorem, Collegam Minorem, ac in  
eodem Collegio Ordinariū Pòescos Professore,

*In Amplissima Nobilissimorum Hospitum, Senatûsq;  
Academici Præsentiâ,*

Artium LL. & Philosophiæ Baccalaurei

RITU SOLENNI RENUNTIARENTUR,

PER

FRANCISCUM MICHAELM WŁOSZKIEWICZ,

Insignis Collegiæ Pultoviensis CANONICUM,

Ejusdem Laureæ Candidatum,

Officioso calami applausu

CELEBRATA.

*Anno, quò Pax alma hominibus bonæ voluntatis calitûs proclamata est. 1716.*

*Die 4. Mensis Aprilis.*

---

CRACOVIAE, TYPIS UNIVERSITATIS,





Si, Crucis in formam conjuncta hæc Sceptra, Trophæum  
Signant, CANTIUS & Nomine lata canit;  
Quid mirum, Pallas quòd semper Nostra triumphat,  
Heroasq; suos vincere cuncta, videt.





A T H L E T Æ

G L O R I O S I S S I M O,

LAUREARUM TUTORI, LAUREATORUM  
PRÆSIDI ac PROTECTORI,

D. J O A N N I  
C A N T I O,

Sacræ Theologiæ Doctori  
& Professori,

Regni Poloniæ ac Universitatis Cracoviæ:

P A T R O N O;

Carmen Dedicatôrium.

Victor laurigeris in Stoa clare triumphis,  
O rerum Stator nunc præsidiumq; decusq;  
Nostrarum CANTI, Præses Craciæq; Palæstræ:  
Sunt quos Palladiâ certantes pulverem arenâ  
Collegisse juvat rutilus Patrijsq; sub Armis  
Magnatum: vel quos ipsis genus inserit astris  
Nobile, vel quorum clarescit dives ab alto

A 2

Atta-





Attalicis opibus Nomen, Mavortia vel quos  
Virtus perlimilis Priami comparq; Quirini,  
Terrarum Dominos hoc curriculo evehit usq;  
Ad Superos, titulis magnisq;, decoribus auctos;  
Multos clara juvant Procerum cognomina, multos  
Stemmata Nobilium, quibus omnis gloria scriptis  
Omne decusq; venit, certo tutamine splendor:  
Nos Tuus urget Honor, pretium Nostriq; Corona  
CANTI, Protector Laurorum, Victor, Athleta!  
Nostra Tuis sese substernit Laurea plantis,  
Quam, simul & primo transactos hac in arena,  
Sat trepido cursu mentis genijq; labores  
DIVE, Tuo, reverenti corde dicamus, Honori.  
Te colit insignem virtute DEI orbis Eous,  
Arctoo renitentem polo splendentq; triumpho,  
Et quam surgit equis rapidis sol vectus ab undis  
Per medios axes, qui tandem præpete cursu  
Lustrat & illustrat speculator climata mundi,  
Et quam flammivomus jam nota cubilia tendit,  
Ignibus irradias virtutum utroq; sub axe,  
Acceduntq; novos orbi Tua busta triumphos:  
Novimus hasce Tibi vires o Victor inesse,  
Quibus Exercituum Dominus prosternit iniquos,  
Et mala cuncta fugans, cælestia munera confert,  
Quibus miserens operatur sic miracula per Te!  
O quoties postquam tumulum cineresq; beatos  
Visere sunt visi Ductores arma gerentum,  
Vel pia devoti ante Aram deponere vota,  
Ingressi parvo comitatu Martis arenam,  
Te Duce mox cunei fracti, mox fusus & hostis!  
O quoties pelagi sinuosi gurgite vasto  
Absorptis, cineres facti sunt littus in aquis,  
Tumq; furor Vulcanius urens tecta domosq;  
Extinctus, quando plebs Te mediante Patrono  
Exorans, alta ad Superos suspiria fudit!

Quid



Quid memorem! mundi ac Erebi carnisq; rebelles  
Hostes juratos animæ in vitæq; ruinam.  
Tergeminos dextrè certando vincere nôsti,  
Illecebras mundi fugiens, ceu virus iniquum,  
Pressisti stimulos generosè carnis & orcum;  
Sæpè tot atroces mortis cuneos & acerba  
Detinuisti orando potentis spicula fati:  
Ergò dum Victor CANTI toto orbe triumphas,  
Nos pugiles trepidè gradientes hanc in arenam.  
Confirma instauraturos certamina prima,  
Cumq; Tuo Nostrum nunc militat omnis Honori,  
Auspiciò felix tanti Ducis atq; Patroni  
Sit; quorum jam Dive audacibus annue cæptis,  
Et solidas vires, majores confer ad ausus.



**LAVREATIS DVCIBVS,**

*Perillustribus, Clarissimis, & Admodum Reverendis Dominis,*

**DD. EXAMINATORIBUS;**

*Perillustri & Clarissimo Domino,*

**D. M. JACOBO ADALBERTO,  
SARNECKI,**

Philosophiæ Doctori, Collegæ Majori, Regio & Cursus Vladislaviani Professori, Ecclesiæ Collegiæ Sanctæ ANNÆ Cracov: Canonico, & interea Facultatis Philosophicæ DECANO,  
S. R. M. S E C R E T A R I O.

*Perillustri, Clarissimo & Admodum Reverendo Domino,*

**D. M. BASILIO  
SAWICKI,**

Philosophiæ Doctori, Regio Professori, Collegæ Majori, Ecclesiarum Colleg: S. ANNÆ Canonico, Parochialis in Polonka Curato.



Clarissimo & Admodum Reverendo Domino,  
D. M. GREGORIO  
KNAPINSKI,  
Philosophiæ Doctori, Collegæ Minori, ac in eodem Collegio Or-  
dinario Poëseos Professore.

LEMMA.

*Nostri fors prima triumphæ.*

**D**esistat altis tollere laudibus  
Bellona pugna; Marsq; sub æthera  
Virtutis Heroæ trophæa,  
Et tumidum celebrare nomen  
Illos cruentis parta laboribus  
Quòd condecoret Laurea sapiens,  
Iustum est fateri; sed, quòd ipsi  
Continuos referant triumphos,  
Negare fas est: nam licet irrigent  
Cruore campos, attamen hinc metunt  
Pro laureis persæpè taxos,  
Aut lugubres nimium cupressos,  
Bellona Pallas, pacis amantior,  
Dum bella miscet non popularia,  
Semper triumphat gloriose,  
Sanguine vulneribusq; pura:  
Ad hæc Tritonis, Nos quoq; prælia  
Permovit omnes, talibus excitans:  
Quoscunq; Virtutis honestus  
Urget amor studiumq; palmæ,  
Ad arma currat, quando vegetior  
Succrevit atas, tunc Animis gravem  
Oppugnet hostem, nempe turpem  
Stultitiam graviore telò:  
Parendo jussis, bella peregrinus,  
Cum mentis hoste & Palladis æmulo,  
Roburq; pectusq; ære cinctum,  
Dum opposuit generosus ardor.

Du-



Ductore sed quò? dicere fas: Trium  
Ductu Virorum, quos celebrant modò  
Nostræ Camænæ, voce clara  
Plectra sonant meritis decoros.  
Primus Lycæis en Academicis  
Resulget almo Nomine, Dux bonus,  
SARNECKI, vibrans sat coruscas  
Pectoris ingenijq; flammâs.  
Tantus Vir Orbis Palladij decus  
Insigne, Nostri gemmaq; seculi  
Præses Sophorum Purpuratus,  
Iam vicibus geminis triumphans,  
Plures meretur laudis adoras,  
Cui purioris fons Sapientiæ  
Influxit, ut rectè vocetur  
Ore potens, calamoque felix.  
Evincit istud continuus labor,  
Quem dexter omni tempore sustinet,  
Cursusq; finitus biennis,  
Auger Huic monumenta famæ.  
Virtus Eidem Prodrôma ad omnia  
Est, calle recto, progreditur tamen  
Ad celsa lentè, dignus illis,  
Sat reputans meruisse honores.  
Alter SAWICKI dispare nec modò  
Dux extat, Ejus Nomen amabile  
Vbiq; festivo per Orbem  
Aonium resonat cothurno.  
Hic erudito pectore continet,  
Selecta quidquid mens tenuit Sophum  
Sublime, præclarum, placensq;  
Quidquid habet genioq; dignum:  
Dum Rostra, felix eloquiò, sacra  
Ornare novit, dexter & aureo  
Sermone pro Divis laborat,  
BASILIVS redivivus, audit.  
Momenta rerum mente sagaciùs  
Dum librat, illi hæc crescit adorea,



Quòd rectus & sincerus extet  
    Consiliò, gravis ac amænus.  
Commune quantò promoveat bonum  
Zelò, loqvuntur munera publica,  
    Testatur id Varsaviensis  
    Consilij celeberrimus Senatus.  
Adest Achilles Tertius ordine,  
Virtute claudens agmina fortium,  
    Dux fortis in campo KNAPINSKI,  
    Artibus ingenioq; clarus.  
Quando erudito percitus Entheo  
Certat, triumphat mentis acumine;  
    Mirantur illum sæpe doctæ  
    Atq; stupent celebres Arenæ.  
Hic suavèolentes eloquij Rosas  
Spargit, sacris dum sistit in exedris,  
    Arcana dum Stoæ resolvit,  
    Plausus Ei datur à Camænis.  
Hinc Orbe florens Palladio manet,  
Magno Sophorum nomine præditus,  
    Doctus, Sacer Mystes, Pericles,  
    Iusta tuens, probitate gaudet.  
Certamen istud mentibus arduum,  
Cùm jam peractum est his Ducibus bonis,  
    Laurus virentes quisque Nostrum,  
    Palladis arbitrio reportat.  
Ast hæc triumphus gloria publici  
Nunc tota Vobis ô celebres Duces  
    Debetur, hæc, vestri est Corona  
    Nominis, & decus æviternum.  
Vobis Virorum Nobilium Trias,  
Et clara doctæ Lumina Palladis,  
    Mens grata votum fert perenne,  
    Quod meruit labor & favores:  
Diu secundi vivite Nestores;  
Vos omnis ætas efferat, ut decor  
    Per Vos coronati laboris  
    Et pretium meriti triumphet.

BEL-



(✠)(✠)(✠)

# BELLONA PACATOR,

Pallas Jagellonica,  
Probatos in Arena Literaria Athletas,  
Insignium bellicorum muneribus,  
Ad Majores ausus, Excitans.

II. V. D. JOSEPHO JOANNI  
LUKASZKIEWIC, Crac.

*Ascia Mulciberi, ad cuius ictum Pallas ex cerebro Iovis  
armata prodijt, pro munere offertur.*

## LEMMA:

*Ut Virtute decet sic sanguine niti.*

**C**onsulibus priscis clara de gente Quirini  
Mos erat Aufonius strictas præferre secures,  
Vnde metum populus capiebat, Consul honores;  
Te voluit LUKASZKIEVI insignire Securi  
Pallas, Progenitore satum nam Te colit illo,  
Qui Craciæ fuerat Galenus Consul & Urbis.  
Vidit ut ingenij dotes ac mentis acumen  
In Te sat duro magnoq; labore probatum,  
Suspiciens docilem florenti ætate juventam,  
Æneæ Magno similes actus in Iulo  
Argutumq; styli conceptum, dixerat: Aptè  
Hæc acies ferri generosæ consona stirpi!  
Et cui contigerat magno dè Consule nasci,  
Hunc merito pariter decet Arma capessere tanta,  
Ardua quæis superantur, quæis & docta Sophorum  
Porticus, atq; gradus alti conduntur honorum:

C

Exa-



Exacuant igitur Vates in carmina mentem  
Decantanda Tibi: & quam prendis, gloria, Laurus  
Sit: mea Musa vovet, Pallas promittit honores.

III. V. D. JOSEPHO JOANNI  
D Z I A N O T I, Crac:

*Vexillum Minervæ, sub quo sequens militantium catus  
gloriosè triumphat.*

L E M M A:

*Virtus signata refulget.*

*E*Ruditarum sequeris cohortem  
Mentium, multos præeundo, cinctus  
Pone virtutum comitante turbâ,  
Signifer Ipse.

*Clare per doctæ legionis ausus  
D Z I A N O T I, quosvis superare motus  
Quos frequens confessus agit Sophorum,  
Dexter & audax.*

*Nil gravi vultu mediocre spiras,  
Præferens dotum pretiosa signa,  
Actibus virtus sociata pulchris  
Eminet in Te.*

*Surgit & laudis cumulus sat altè,  
Urbe præclarâ Cracivæ Sologæ,  
Certa qua est Regum statio Lechæi  
Et Caput Orbis.*

*Ac cui Turres Triplices geruntur,  
Stemmatibus signum pretio decorum,  
Urbis Heroæ documenta, clara &  
Gloria Gentis.*

*Hinc inest sanè Tibi dos Virorum,  
Indoles fortis, validumq; robur,  
Qualitas mentis speciosa, morum  
Atq; venustas.*

*Ergo*



Ergò præclarum canat Orbe Nomen  
Fama, cum virtute Tuum & triumphos,  
Quos dum agis dexter, parat Alma celsos  
Pallas honores.

IV. V. D. ADALBERTO JOSEPHO SARNECKI,  
*Galea Palladis, quæ politâ superficie continuos Heroicæ mentis  
designat labores.*

L E M M A:

*A labore nitor.*

**A** Vges Minervæ dexterior Pugil  
Doctam Cohortem, quam Sapiencia  
Armata & insignita ferrô  
Instruit, ornat & armat ipsa.  
Herosq; Castris Palladijs celer,  
Audaci in hostem prouis impetu,  
Et vincis, in doctorum arena  
Acer ut ac animosus æquè:  
Ad præliandum Te calor Entheus  
Accendit, cæstro Bellerophonteo,  
Et totus ardens in Camænas,  
Pegasidumq; sacros recessus,  
Sublimè vectus pectore fervido  
Connixus urges culmina, pollice  
Pulsans chelym chordâ canoram,  
Et quatiens pede summa Pîndi.  
Tu Tullianis eloquio potens  
Campis triumphas; mentis acumina  
Demosthenes vibras in hostem,  
Ore tonas Pericles diserto:  
Pernox Cleanthis perdius & labor  
In Te notatur, docta volumina  
Lustrante fundis lumen. Ergò  
Cymmerias tenebras fugando,



Apollinaris Militiæ decus  
Insigne, fulge clarus honoribus,  
Pallas coronet vota, cùm sis  
Sanguine Præsidis è propinquo.

V. V. D. FRANCISCO MITULSKI.

*Hasta Minerva, quâ Hostem Ignorantiam profligavit.*

LE M M A:

Hæc tangit & angit.

**I**nsignes faciunt Arma Viros, gravi  
    Conflictu quibus aggredi  
Hostem fors dederat, prosperioribus  
    Fatis: Turba Quiritium,  
Hastis belligerans promeruit simul  
    Famam, Nomen & inchtum:  
Insignis meritò laudis adorea  
    Debetur Tibi strenue  
Heroum, decorat quem Hercules labor,  
    Et signat Sapiencia,  
Mens est ac animus nobilior cui,  
    Pugnas doctaq; prælia  
Instaurare acie, quâ vigor eminet  
    Et frons cedere nescia  
Magnos, difficiles inter & arduos  
    Conatus. Igitur cape  
Hastam Palladium, quâ hostibus impiger  
    Terrorem incutias minax,  
Et quâ belligerans emineas super,  
    Claris celsus honoribus.

VI. V. D. ANDREÆ SZYNGLAROWICZ,

*Agis Palladis, in qua Caput Medusæ exaratum, terrifico  
visu, intuentes percellebat.*

LE M.



# LEMMA.

*Protegit hos, & proterit illos.*

**N**olis prisca, Duces Heroas, quos tulit ætas  
 Musa lyrâ plectroq; referre:  
 Non hîc Æacidâ, non armis Hectora Trojûm,  
 Terrificos umbone minaci,  
 Dulichium non fallacem, qui clarus, Achillem,  
 Mille dolis ac arte Pelasgâ,  
 Iunge metro: cedat clypei septemplex Heros  
 Marte ferox & viribus Ajax.  
 Palladiâ instructus nunc SZYNGLAROVIVS arte,  
 Svavi dulcisonoq; canendus  
 Metro; quem decorat cultæ solertia mentis,  
 Cum probitate Heroica virtus;  
 Indolis egregiæ præsert signa notasq;  
 Et generosos pectus in ausus.  
 Ingenio emineat clarus, docto ore manuq;  
 Heros pulchra trophæa movendo.  
 Ergò quam meritò confert nunc Ægida Pallas,  
 Huic lætus suppone lacertos,  
 Tutus in adversis attinges culmen honorum,  
 Felix sub munimine tanto.



## VII. V. D. ADALBERTO STOSKI,

*Sagitta, quâ post Deucalionis diluvium, Victor Apollo venenatum Pythona prostravit.*

# LEMMA:

*Dignus potiore triumpho.*

**P**ennam Calliope laudibus admove,  
 Manda gesta libris prælia fortium,  
 Non quæ per calamos altivolos Geta  
 Vel Thrax Orbe ferus Bosphoreo gerit,  
 Armos cui decorant arma Sagittasq;

D

*Fernix:*



*Pernix: Magnanimum Palladiâ Virum,  
 Decertantem acie nunc calamus decet  
 Scriptor, qui teneras mentis & ingeni  
 Dotes sua viloque carmine STOSCII  
 Signet. Nempe operum vicerat ardua  
 Heros, nocte simul tam vigil & die.  
 Quàm duri patiens, hunc labor improbus  
 Nutrit nam quoties docta Sophùm cohors  
 Nervosas statuit per medium Theses,  
 Solvendis dubijs primus erat, celer  
 Tum docto genio, cum ore rotundior.  
 Ergò quod calamo Nomen, honoribus,  
 Signatur, nitidis fulgeat: insuper  
 Motus tam celeres rebus in arduis  
 Firmos efficiat Cursus Olympicus.*

---

I. V. Illustri & Admodùm Reverendo Domino,  
 FRANCISCO MICHAELI  
 WŁOSZKIEWICZ,  
 Insignis Collegiatae Pultoviensis Canonico,

Primæ Laureæ Candidato,  
 AUTHORI OPERIS.

JOSEPHUS JOANNES  
 DZIANOTI

Ejusdem Laureæ CANDIDATUS,  
 In argumentum mutui affectûs,

*Lanceam Bellerophontis, quâ Chymeram, monstrum  
 terrificum transfixit,*

dono offert cum LEMMATE:

*Hac ferit eminùs hostes.*

**N** Vmina, dulcisono quorum Mons celsus & Æther  
 Concutitur resonatq; fremens modulamine cantûs,

Aò.



Adniq; jugi cætus dilectæ fororum ;  
 Lesbiacas chordas, Citharas huc ferte canoras,  
 Et date mille sonos, voces, tum gaudia mille  
 In plausus WŁOSZKIEWICIO nunc summa tenenti,  
 Qui cecinit metrô pugnas ac arma Virosq;  
 Non raucas inflando tubas, lituosq; strepentes,  
 Dulciloquo calamo Nostrum sed prælia dixit:  
 Heros omnigenæ Virtutis Cultor, & Armis,  
 Stat nitidas inter Ceras insignis, Avitis;  
 Quem vetus annosæ ac præclaræ stirpis origo  
 Ut decorat, Phœbi generoso fervida virtus  
 Pectore sic fulget; Cyneæ linguam, osq; Periclis,  
 Ingeniumq; sagax præfert ex more Sophorum.  
 His sibi Victor ovans animos & corda subesse  
 Exsilit: hoc Insigne Domûs Gladij; Rosæq;  
 Demonstrant, pretium, decus ingens Martis & Artis;  
 Si genus & Proavos spectes, de hac stirpe Camillos  
 Fortes, & Marios multo veneratur honore  
 Orbis conspicuos. RECTOR PRACZLEVIVS Ille,  
 Doctorum Princepsq; Senatûs, Gemma Vavelli,  
 Omnium Amor, Tibi prædilectus Avunculus, Orbis  
 Palladij fulcrum illustre & Cor, & Caput, olim  
 Multoties Regale decus qui Sceptra tenebat.  
 Heu! plûs fata sibi regimen vitamq; negarunt!  
 Eminent ast alter Summus vivitq; Superstes  
 Accrescens titulis, sat IOZEPHOVIVS altis,  
 Quem colit & servat Roxolanus Leo, fortem  
 Archipræsulex genio & pietate Cathedræ,  
 Doctorem insertum, clarum Lauruq; Togâq;  
 Ergò cum Nobis WŁOSZKIEVI munera reddis  
 Palladis, hinc Tibi Bellerophontis Lancea cedit  
 Dono: hæc Nostra cohors pro votis vota refundit;  
 Orbe cui Cæræ Majorum & Splendor Avitus  
 Præfulget, niteas clarus, fortisq; triumphos  
 Duc age: vita Tibi felix ac longa sit, & cûi  
 Fronte Canon fulget, præcingat tempora Vitta.







SUB FELICISSIMIS AUSPICIIS,

*Magnifici, Perillustris, & Admodum Reverendi Domini,*

**D. M. MARTINI  
OSLINSKI,**

Sacrae Theologiae DOCTORIS, & PROFESSORIS, COLLEGE Majoris; Ec-  
clesiarum; Collegiatae Sanctae ANNÆ Crac: DECANI, Parochialium;  
Prossovicensis PRÆPOSITI, Zielonecensis CURATI, Scholarum No-  
vodvorskianarum, & Contubernij Hierosolymitani, PROVISORIS,  
STUDII ALMÆ UNIVERSITATIS CRACOVENSIS  
GENERALIS ac VIGILANTISSIMI

**RECTORIS.**





Biblioteka Jagiellońska



stdr0024565



